

(...)

Immission de possession de l'obit saint  
maturin en faveur de m(aître) anth(oine) riviére  
p(rest)bre et chanoine

L'an mil six cens six et le septiesme jour du mois  
de **decembre** apres midy **aux faulx bourcz saint jean** de  
villemeur et **dans le pathu ou souloit estre ediffiee**  
**l'eglise saint jean joignant le cemitiere et a ( ) l'endroit**  
**ou souloit estre la chapelle saint mathurin** pardevant  
m(aître) francois Rande p(rest)bre) habitant au lieu de varen(n)es  
c'est presante m(aître) anthoine riviére p(rest)bre et chanoine

ii<sup>e</sup> xxxiii

du chappitre saint estienne de tescou qui a represente  
aud(it) rande p(rest)bre avoir este dument pourveu par n(ot)re  
saint pere le pape de l'obit et chapelanye fondee par feu  
m(aître) pierre gernasy en la susd(ite) eglise saint jean de  
villemeur et chapelle saint mathurin ainsy qu( ) il a faict  
apparoir du forma dignum de monseigneur l( )evesque  
de mo(n)tauban en datte du sixiesme jour du courant signe  
de mondit seigneur l'evesque et dumas son secretaire  
estant de ten(e)ur annas de muroueteri etc y cy obmis  
a inserer a( ) cause de briefveté lequel forma dignum  
led(it) riviére a presenté aud(it) rande p(rest)bre attendu  
qu( ) il est de la quallité et requise et requis en vertu  
d'icelluy contenant sa comission le vouloir mettre  
en la reelle actuelle et corporelle possession dud(it) obit saint  
maturin fruitz proffitz revenus et emolumens d'icelluy  
sur quoy par icelluy rande p(rest)bre lecture faicte dud(it)  
forma dignum contenant sa comission a icelle receu  
avec honneur et reverence et offert f(air)e son debvoir et  
a l'instant sommaire aprisié auroit este faicte avec  
sire anthoine chartron marchant / anthoine pendaries raymond  
gay suivans la pratique les tous habitans de villemeur  
des jour lieu et heure p(rese)ns lesquelz moyenant serement  
sur les heures presté ont dit et attesté que ce( ) jourduy  
est le judy septiesme de decembre environ les troys  
heures de soir et que nous sommes dans le pathu de  
l'eglise saint jean de villemeur et a l( )endroit ou souloit  
estre la chapelle saint mathurin ce que voyant  
led(it) rande auroit prins led(it) riviére par sa main  
et icelluy mis en la possession reelle actuelle et corporelle

dudit obit fruitz proffitz revenus et esmolumens  
d'icelluy appartenans et dependences par l'entree et  
sortie dud(it) pathu **ny ayant nul ediffice a( ) cause des**  
**guerres civiles** et dans le quel pactu souloit estre  
dittes et celebrees les messes ordonnees par la fonda(ti)on

dud(it) obit faisant cependant inhibi(ti)on et deffence a  
toutes personnes de quelle quallite qu( )ilz soient ne  
troubler ny molester led(it) riviere p(rest)bre en la pocessionet  
jouissance dud(it) obit et revenus d icelluy a peyne de cent  
livres d( )amande de( )quoy et de tout ce dessus led(it)  
riviere a requis a moy not(aire) soubz signe luy retenir  
et expedier acte pour luy servir de tiltre ce qu( )ay faict  
ez presances des susd(its) chartron pendaries ]et[ gay et de  
moy

Rande                      Gay

Pendaries, p(rese)nt

Pendaries, not(aire)